

La farmacia Pütia a Picolin é stlûta dai 17 ai 24 d'otober.

Le dotur Eduard Agreiter é demez en jöbia domisdé y en vëndres (14 y 15 d'otober) y vëgn sostitui dala doturia Grete Mahlnecht 349 06 67 034.

Por l' **EDEMA DLA FEDE dai 17 ai 24 d'otober** unse ince invié siur Eugen Runggaldier, vicar general dla diozeja, a na incuntada, en vëndres, ai 22 d'otober, da sêra, a La Val. Por ti dé a trôpa jënt la poscibilitè da tó pert y cîafé respostes a ci che se stá a cör dla fede y dl dagní dla Dlijia, vëgnel coiü adöm les domandes che nosta jënt se fej. Porchël periunse **da scrí sô ostes domandes y da les dé jö te dljia tla cassêta apostâ cina en chêsta domënia sêra, 10 d'otober.** Tla incuntada cun siur Eugen aldiarunse spo les respostes.

PLOANIA DA SAN MARTIN

En dedolönesc, ai 12 d'otober, é **dales 16.00 mëssa di scholars** y dles scolares te dljia, al toma porchël fora la mëssa da sêra. Chêsc sarâl deplü iadi ia por l'ann.

I Stödafüch lascia alsavêi che en dedemesaledema, ai 13 d'otober, inanter les 10.00 y les 10.30, vëgnel lascé jí sura döt Südtirol l'**alarm dla proteziun zivila** sciöche proa. La sirena jará n menüt alalungia sô y jö.

La **YOGA JURTE a San Martin**, tl vedl ciamp da tennis, é daverta cina ai 31 d'otober. I podëis porvé le pröm iade debann; i cursc é adatá a vigni eté. Por informaziuns y prenotaziuns www.yog-amiga.com o whatsapp/tel. 377 34 99 869 – *Gabriel y Miriam*.

La Uniun dles Patrones da San Martin mêt a jí tl Istitut Ladin ai 22 d'otober dales 15.00 ales 19.00 n **curs de pröm aiüt** cun la Crusc Biancia da Balsan. Entrada ma cun Green Pass y nia plü de 16 partezipanc. Prenotesse 389 08 34 252.

PLOANIA DA LUNGIARÜ

I **Seniors/les Seniores da Lungiarü** é bel invià/ades da gni a chidlé en vëndres, ai 15 d'otober, dales 14.00, a Al Plan it'a Roncac – ciarede do tl'ultima plata.

En domënia, ai 18 d'otober, tignunse la **fešta di maridá iubilars**. I pers cun 25, 30, 35, 40, 45, 50 y dessura, a chi ch'al ti vëgn ince partí fora l'invit, é dër bel inviá da tó pert ala gran mëssa de súa festa che vëgn chêsc ann ma tignida te dljia. Sce zacai di iubilars ne ciafa nia l'invit, preibel anunziesse por Christian 389 29 00 000. - *Le Consêi de Cöra*

Düc i geniturs é inviá a tó pert al referat "**Sexuelle Entwicklung** - wenn Töchter und Söhne erwachsen werden...", cun Maria Reiterer y Hubert Fischer, en jöbia, ai 14 d'otober, dales 19.30 tres Zoom (link: <https://zoom.us/j/9895382891> - preibel impiede la camera tratan le referat). Le referat sará por todësch y vëgn metü a jí tl cheder dl proiet "Stersc tres la vita", dal Sorvisc ai Jogn y da d'atres uniuns.

La **Musiga da San Martin de Tor** inviêia ala mostra, en ocasiun dl iubileum de 100 agn, da inlaota cina aldedaincö, che é da odêi tl Museum Ladin cina ai 07 de jená 2022. Ince n'atra mostra "Lostrides, percursc de nêif" é da odêi ti orars de daurida www.museumladin.it. Entrada ma cun green pass!



Plata dles Ploanies San Martin y Lungiarü

ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213
redaziun.anton.gasser@rolmail.net - 348 27 44 517 / 0474 523 194

www.valbadiaonline.it/comunite

10.10. - 17.10.21 nr. 46

ultimo termo por comunicaziuns: jöbia, dales 20.00

28ª DOMËNIA IA POR L'ANN B

Vangele do Merch 10, 17-30

Dailò ti à Gejù ciarè ados y deach'al ti orô bun, ti àl dit:
Öna na cossa te mancia ciamò: Va y vënn ci che t'as, dà i scioldi ai püri y t'aras n tesur tl cil; spo vî y vîme do! Mo chël à cîafé la ria canch'al â aldî chêsc y é jü cun tristêza demez; deach'al â n gran avêi.
Dailò ti à Gejù ciarè ia a sü discepui y ti à dit:
Tan ri ch'al é por jënt che à tröp, da rovè tl règn de Dî!
I discepui é restà mal por sües parores. Mo Gejù ti à ciamò dit:
Mi mituns, tan ri ch'al é da rovè tl règn de Dî! Denant va n camel fora por n büsc de na odla, che n rich röies tl règn de Dî.
Mo ëi s'á spordü ciamò deplü y dijô un al ater: Chê sciafia pa spo da gnî salvà? Gejù ti à ciarè ados y à dit: Por la jënt é chêsc imposcibl, mo nia por Idî; Deache por Idî é döt poscibl.



*Chël ël la minâ veramënter buna y orô propi vire na vita che ti plajô a Idî.
Mo al n'ê nia plü bun. Al n'ê nia plü lède da se dediché deplëgn.
Nia plü lède da se lascé ite deplëgn sön l'amur a Chël Bel Dî y al proscim.
Al é taché a súa richêza y s'un é jü demeza da Gejù cun tristêza.*

*I ne s'intenun nia tan ch'i tacun a cosses ch'i orun ma avêi por nos instësc:
al avêi, al tēmp, ala comodité, a porsones, al bun inom,....
Ponsun mo en pü' do ci che nes pó pordërt fá ric
por le bëgn de nosta anima y por le règn de Dî.
Dëideme, Gejù, da capí ci ch'al paia la mëia da perde
por davagné la contentêza dl'anima y le règn de Dî! (Image)*

EDEMA	SAN MARTIN	LUNGIARÜ
10.10.21 28^a DOMËNIA - ann B	<i>Festa di maridá iubilars</i> 9.00 Corona por vocaziuns 9.30 Gran Mëssa dla Comunité por i maridá iubilars dl ann + Maria Unterweger dl ann + Elena Rubatscher Zingerle	<i>Segra – anivarsar consagraziun dla dlijia</i> 7.55 Corona 8.15 Mëssa da festa por la comunité 15.00 Corona tla capela de S. Ojöp da Oies
11.10.21 Lönes <i>Giovanni XXIII, Bruno</i>		
12.10.21 Dedolönes <i>Maximilian, Serafin</i>	16.00 Mëssa por scholars y scolares vis y def. fam. Trebo, Pension Tor + Mariangel Tavella	
13.10.21 Dedemesaledema <i>Eduard, Aurelia</i>	18.00 Corona d'otober	<i>degöna mëssa te dlijia deach'ara vëgn tignida te scora ma cun i scholars</i>
14.10.21 Jöbia <i>Gaudënz, Alan</i>	7.30 Mëssa vis y def. fam. Paul y Maria Sorá por les Püres Animes Corona por Vocaziuns	
15.10.21 Vëndres <i>Tarejia d'Avila</i>	18.30 Adoraziun chîta 19.00 Adoraziun deboriada	7.30 Mëssa + Franz Frenademetz, Fücia a d'inenziun de Hannele Chiusura
16.10.21 Sabeda <i>Margareta Alacoque, Hedwig</i>	20.00 Mëssa prefestia fam. de Gustl Trebo dl ann + Davide Costalunga + Lidvina Costa	18.30 Mëssa prefestia por familia Gebhard y Loise Moling + + Germano y Giustina Moling
17.10.21 29^a DOMËNIA - ann B Segra de Düc	9.00 Corona 9.30 Gran Mëssa por la Comunité + Malia Zingerle Clement + Elena Rubatscher Zingerle	<i>Festa di maridá iubilars</i> 7.55 Corona 8.15 Gran Mëssa dla comunité por y cun i maridá iubilars 15.00 Corona tla capela de S. Ojöp da Oies
Sön tofla dan dlijia él publiché les precauziuns scrites dant dala Diozeja de Balsan Porsenú coch'an dess ciaré da se sconé dal Corona-Virus te dlijia y pro i sorvisc pastoraî dla ploania.		

Nosta la Segra!

Na ciasa bun fondada
túa Dlijia é, Signur,
sön tua parora dada
de pesc y de amur.

Dî, i te laldun
y te reingraziun;
te süa santité
nes daste sigurté.



Gejú ti vá danfora,
ch'é mort y ressorí.
Tl pan y tla parora
dál dant le tru da jí.

Löm de döt le monn
tla cité sönsom
condüjesse n de
a odèi la verité.



Tl ejëmpl di apostui
de vita y fedelté
ciafuns' nos, sü discepui,
confort y unité.

Sön so fondamënt
sëgn por döt le tēp
orunse costruí
túa ciasa, oh Bel Dî.

San Pire sciöche verda
les tles s'á surandé
ch'i la tignuns' daverta
valënc tla ciarité.

Ch'al le sais vignun:
chiló düc s'ó bun;
insciö ma pól gní vëi
ci ch'i dun dant da creï.



Col tai dla usc implida
d'ardur dl apostul Paul,
la Dlijia é scolpida,
ti cörs metüda a saul.

Dî, i te periun,
a te s'afidun
che do tua orenté
to rëgn vëgns a s'al dé.